

卷之四

海陵先生奏議卷第二

輪對劄子三首

臣一介小臣不識忌諱不知朝廷事体及君憂國出於天性妄懷殘不恤緯之心竊聞道跡凶凶咸謂虜情巨測有南下牧馬巢穴汴都窺伺江淮之意廟堂之上惟幄之臣必有料敵制勝之策臣不可得而知然議者以謂邊奏有警則群臣失色相顧傳聞稍息則恬然便以為安且謂吾有內難勢必不乘天不恃我之有備而幸敵之有難其謀國之術亦疎且殆矣自建炎至今虜未嘗不內相殘賊也然一酋斃一酋出其勢愈熾曷嘗為中國利哉要在所以自備者如有先備敵雖強

而不足憂我苗無備致雖有難幸。益彼或不以有
難為畏乘我稍息長驅而來其將何以禦之耶臣謂今
日禦戎之策莫急於用人用人之要莫先乎人望蓋知
人之術自古所難蕭何不生孰人識韓信於末知名之
曰孟軻復出亦必取士於國人皆曰賢晉博公以民譽
而用六卿遂成復霸之業東晉以人心而起謝安遂成
破敵之計 國家寶元慶曆間西夏叛命 仁宗以經
略安撫之任付之韓琦范仲淹二人雅有時望軍中有
一韓一范西賊破膽之謠兵不大用而心是臣服呈於
中川文彥博富弼為相朝士相賀 仁宗曰吾之用人
不以夢卜苟不知人當徒人望夢卜豈足憑乎 仁宗初

相司馬光遼人夏人相戒曰中國相司馬矣諺云外事
人望之能服人如此今若內若外士夫軍民口無異辭
咸謂有天資忠義材兼文武可為將相者有長於用兵
士卒樂為之用可為大帥者今乃投閑置散無地自效
或老於藩郡以泯沒其材內為說邪之所媚忌外為夷
狄之所竊笑天下輿情憤悶仰瞻陛下斷然為社
稷計起而用之以從人望可以作士氣可以慰人心可
以寢敵人之謀可以圖恢復之大計 陛下縱未大用
之亦宜付以江淮重任使自當一面為國長城亦可無
西顧憂矣臣又聞范仲淹初以言事得罪尤為宰相呂
夷簡所惡斥逐於外及西方用兵 仁宗思用仲淹竟

簡薦之亦力仲淹果能成功夷簡不失為賢相 陛下高
以 仁宗之心為心大臣當以夷簡之事為法相與任
用天下之賢才以為排難解紛計天下幸甚社稷幸甚
其次有舊室執侍從及嘗言事之臣名節素著者或守
遠藩或食祠祿或已休致或在謫籍並宜起廢置諸朝
列其声名風采亦足以聳動一時謀謨措畫必有大過
人者諸將有以驍勇善戰稱者悉宜列置分布於荆襄
江淮間以為爪牙藩屏用賈誼衆建諸侯而小其力之
法以駕馭之如是則異人輩出可以供任使矣猛虎在
山不藿不採田有人焉難當自消臣以為禦戎之策莫
大於此

右一

所 惟辟作福惟辟作威者蓋人主攬權之術得之於
此失之於彼者又人主攬權之弊臣請借唐以論唐自
高宗中宗以來權移房闈明皇親平內難懲孽后驕主
之禍挈大柄而掌握之可謂能收之於此矣承平既久
怠於聽斷內則移於奸臣外則移於藩將是又失之於
彼也肅宗再造王室代宗平亂守文而權稍歸朝廷亦
可謂能收之於此矣然君臣苟安瓜分土壤以授叛將
繼以德宗之姑息自是而後權歸藩鎮矣是又失之於
彼也憲宗剛明果斷削平僭叛而權復歸朝廷可謂能
又之於此矣晚節任用庸人禍生所忽自是而後權歸

闕寺矣是又失之於彼也 陛下比懲大臣之盜權收
還威福之柄朝廷清明皆謂 陛下為不世出之英主
通者衆口籍籍 謂權雖歸於 陛下政復出於多門是
一秦檜死百秦生也其間最甚者如三衙管軍輩與北
司深文固結盜 陛下之大權養成跋扈之勢不可
制過昔漢之禍起於恭顯王氏之相為終始唐之禍起
於北軍藩鎮之相為表裏今禍胎於內而亂形於外臣
竊為 陛下憂之夫權之入者莫如名器與財與兵今
以管軍而位居三公是盜名器之極矣古之時無有也
祖宗之時無有也又天下之利源財路皆入其門培克
聚歛不知紀極國用日蹙而私室愈富三家而 陛下

擅齊殆不過此且身捻禁旅久而不代陰結 亦以為
之黨深忌元功宿將之功名者不容其進自恃兵柄在
手有輕視朝廷心夫樞密者號本兵之地號令節制天
下之諸將者也今殿廷立班管軍傲然居前樞密甘心
其後而不自以為恥事勢倒置如此不奉行其意旨者
幾希其能節制號令之耶又其子弟親戚咸盜清要之
職臺諫有論列之者朝廷必委曲庇護俾其言卒不得
行昔唐大將管崇嗣背關語笑李勉劾其不恭肅宗謂
吾有勉乃知朝廷之尊李祐有人蔡縛吳元濟之功違
詔進馬溫造正衙拌劾祐自謂瞻落於溫御史今臺諫
言及侍從大臣隨即罷斥而風憲獨不行於管軍之門

其何以為國耶不獨此也至若清資橫加於噲伍高爵
監及於醫門諸軍置承受福威自恣甚於唐之監軍皇
成置邏卒旁午察事甚於周之監謗內外將帥剝下賂
上結怨於三軍道踞之間捕人為卒結於怨百姓皆非
治世事也 陛下自撻攬以來聖政不可勝紀如前日
竄逐猾闖 天下尤服 陛下之英斷惟此數事臣所謂
得於此而失於彼者可不深懲而痛革之耶臣願 陛下
慨然發憤斷自宸衷杜邪枉之門塞僥倖之路鑒漢
唐之禍而斥近習懲齊魯之患而抑強臣不惟尊嚴
朝廷亦所以保全此類不然臣恐大阿倒持日甚一
日天下之憂不特在夷狄而已此臣所以不避斧鉞之
誅為陛下痛哭流涕言之也

古二

臣聞民為邦本本固邦寧自古人君未嘗不以得民心
固邦本為急而尤欲撫綏固結之於動搖疑貳之時我
國家有天下二百年矣中遭厄運而宗社復興者良繇
四海民心戴宋惟舊 陛下即位于今三紀深仁厚澤
尤著在天下之心然邇年以來監司守令多不得人為
國斂怨民心稍離一曰不宣詔條二曰不卹刑獄三曰
不先撫字何謂不宣詔條臣伏觀比年寬卹之詔屢下
然而實惠未孚于民皆繇州縣不能奉行之故昔人謂
走掛墻壁今則初未嘗聞也詔下事有便於民而不

便於吏者或宣畢而逃匿或略捕而遞收故上雖有良法美意下不得而知者多矣况欲被其澤耶何謂不郵刑獄臣伏觀 陛下慎刑郵獄之意雖堯舜成湯亡以加然措刑之效未達於古者蓋由師帥之任鮮或循良昧者以胥吏為耳目急者以胥吏為精神貪者以胥吏為鷹犬案牘滿前漫不加省獄情出入動由此曹故富民納賂以買直貧者不能自伸強者劫持以求勝弱者不能自免所望以直其寃者監司也今監司按部動以胥吏數十自隨所至州縣唯務誅求苟滿其欲則獄事一切不問而望其有所平反可乎何謂不先撫字國家張官置吏本以為民要當以撫字為先催科次之昔之

循吏勞心撫字而民皆樂輸不待催科而常賦自登夫催科自有常法豈在先期而取辦官以未及期為辦事民當未及期而被虐故常賦未入於官府而橫費已歸於蠹吏矣悍吏持尺牒走鄉閭嗷呼隳突雞犬不寧而欲民安其業可乎臣又聞邇者邊奏稍警言所在以防秋為名拘集舟船團結保伍措置無術州縣騷然至有鬻田宅以充糧草之賦殺耕牛以共筋角之輸斬山林以為兵器撤室廬以營寨柵吏緣為奸民情大擾苟不有以安恤之切恐民逃其上散為盜賊矣况今夷狄外侮國威不振人心搖動正宜撫綏固結時也臣願 陛下准專傳之二下側怛之詔勤郵民隱動之以誠官吏有

害民者必罰無赦仍命三相慎擇諸道監司以寄休戚以宣明詔條慎恤刑獄撫字兼元為先務如是則四方萬姓罔不感泣人心既悅寧惠天意之不我助耶臣以謂固本以寧邦者莫大乎此

右三

上殿劄子三首 壬午十月

臣聞舜受堯之天下序者美之曰重華協于帝武王繼文王而有天下記禮者美之曰善繼人之志善述人之事說者謂堯之所為如是而舜亦如是故謂之協帝文王之所為如是而武王亦如是故謂之繼述臣嘗考其行事乃不然堯之時有八元八凱者天下謂之才子

堯不能用至舜乃舉而用之號十六相有共工驩兜伯鯀三苗者天下謂之四凶並在堯朝堯不能去至舜乃流放竄殛之而天下咸服文王在商之末三分天下有其二而終身執臣禮以事紂至武王嗣位之初乃會八百諸侯興仁義之師以伐之天下遂一統于周舜之所以協堯武王之所以繼文者如斯而已矣曷嘗泥其行事之迹哉此堯所以得知人之名而武王為遠孝也與恭惟 太上皇帝至仁至聖內不謀之宮 外不謀之卿士斷自宸衷以天下大器付之 陛下世皆以堯舜擬之臣獨謂堯舜之遜固美矣然出於耄期倦勤豈若 皇上春秋猶盛而遂為是曠世絕無之舉哉真可謂

賢於堯舜遠矣 陛下思所以仰副 太上皇之付託者當如何今社稷之大安危生民之大休戚人才之大進退朝廷之大刑賞非有所矯拂更張則無以慰天下之望必矯拂而更張之則必有以不改父之臣與父之政之說而惑聖聽者 陛下於此有若難處者焉臣謂太上皇之與 陛下可謂父堯而子舜矣以聖繼聖推誠無間豈區區形迹之所可拘臣下常情之所能測哉太上皇既以不疑而待 陛下陛下亦宜以不疑而報太上皇三紀聖政可遵而行之者非一也至若因時救弊有所矯拂有所更張宜若舜之所以協堯武王之所以繼文者斷然行之以彰 太上皇知子之明以盡

陛下繼述之道毋若魯陪臣孟莊子之孝而已則社稷幸甚天下幸甚

右一

臣聞國猶身也強國與身者氣也醫者觀身之氣而知其人之壽夭識者觀國之氣而知其世之興衰自古帝王圖回天下雖謀以智辦之以才必以氣為之主然後大業乃濟劉項之爭雄也項自謂力拔山氣蓋世非也要之項之失天下也蓋以力而劉之得天下也蓋以氣夫百戰百勝一不勝而自謂天亡者氣何在哉秦戰婁敗而不為之屈卒之易敗為勝轉弱為強者氣也蜀先主英姿大度有文帝風兵雖委挫而終不為曹操屈

吳孫權聞周瑜之言拔刀斫案遂成赤壁之雋功吳蜀
之勢非魏敵也然而能霸有一方鼎足而立者氣使之
然也臣來自草茅得之道路謂廟堂之上謀議之臣和
守戰之議闕然未決茲理固洞然易曉議者何不思之
耶臣謂養今日之氣莫如守伸今日之氣莫如戰控今
日之氣莫如和今我兵寡力弱國威未振固未能與之
決雌雄於一戰以伸天下之氣也正須養之使壯俟時
而動宜於荆襄江淮要害之地如人身之可以禦風寒
者救處命大將屯重兵以固守之縱未能得志於中原
亦足以據長江之險都帝王之宅保吳蜀萬里之故疆
何故屈已買一蹄前日之覆轍耶大抵天下之勢強弱

均而和則彼此受其利晉與諸戎和我與契丹和是也
強弱不均而和則強者得其利弱者被其害六國與秦
和契丹與女真和是也虜以和議請契丹而滅契丹矣
又以和議請中國而困中國矣耿南仲主和議而致靖
康之禍秦檜主和議而弱國家之勢太上皇知虜之
無厭而和之不可保也去歲下親征之詔而天下二十
年湮鬱之氣亦少舒矣雖淮上之師不利而虜之破毒
亦甚矣 陛下應天受禪天下罔不歡欣鼓舞咸謂真
主既出恢復指日可期也 陛下宜親御鞍馬如漢文
帝慨然發憤如唐憲宗撫巡六師以作將士之氣以圖
進取之計况 陛下之聖德可以動天 陛下之節儉

可以豐財 陛下之英武可以定亂江淮有重臣以為
長城川陝有良將以為爪牙亦何患事之不濟耶不然
宜因天設之險以為城池與民守之可也苟或復用和
議則軍民解體雖苟一時之安而氣已為之索矣百萬
之歲幣固有所不惜也至尊之名分其可自貶損於嗣
登大寶之初乎諸將用命血戰新復數諾其可復捐而
與之乎西北之民強負來歸者不知其幾又可復委之
虎狼而使之甘心乎况講和之復舉天下惟虜之命是
聽無厭之求難塞之請當不止此 陛下將何以應之
乎臣謂今日之計戰固未可輕和決不可議守以養氣
俟時而伸乘機而投而已

右二

臣聞人主之職莫大於論相尤宜遴選於嗣位之初論
相得人則可以相與大有為遴選於嗣位之初斯可以
慰天下惟新之望昔舜之受命也選於衆而首舉臯陶
湯之革命也選於衆而首舉伊尹高宗中興也首舉諸
野而爰立傳說成王訪洛也首以師保而並處周召漢
高祖首相蕭何而成創業之功唐太宗首相房杜而致
貞觀之治明皇首相姚崇憲宗首相杜黃裳武宗首相
李德裕我 太祖之有天下也宰相雖因周舊其自圖
任也則首用趙普 仁宗即位之始則相王曾又以李
迪張知白魯宗道為宰相王人 也 英宗因舊相韓

便於吏者或宣畢而遂匿或略掛而遽收故上雖有良法美意下不得而知者多矣况欲被其澤耶何謂不郵刑獄臣伏觀陛下慎刑郵獄之意雖堯舜成湯亡以加然措刑之效未逮於古者蓋由師帥之任鮮或循良昧者以胥吏為耳目急者以胥吏為精神貪者以胥吏為鷹犬案牘滿前漫不加省獄情出入動由此曹故富民納賂以買直貧者不能自伸强者劫持以求勝弱者不能自免所望以直其寃者監司也今監司按部動以胥吏數十自隨所至州縣唯務誅求苟滿其欲則獄事一切不問而望其有所平反可乎何謂不先撫字國家張官置吏本以為民要當以撫字為先催科次之昔之

循吏勞心撫字而民皆樂輸不待催科而常賦自登夫催科自有常法豈在先期而取辦官以未及期為辦事民當未及期而被虐故常賦未入於官府而橫費已歸於蠹吏矣悍吏持尺牒走鄉閭嗷呼隳突雞犬不寧而欲民安其業可乎臣又聞邇者邊奏稍警所在以防秋為名拘集舟船團結保伍措置無術州縣騷然至有鬻田宅以充糧草之賦殺耕牛以共筋角之輸斬山林以為兵器撤室廬以營寨柵吏緣為奸民情大擾苟不有以安恤之切恐民逃其上散為盜賊矣况今夷狄外侮國威不振人心搖動正宜撫綏固結時也臣願陛下准專傳之二下側怛之詔勸郵民隱動之以誠官吏有

版今天下之敝安在哉在事中外大小之臣各居其官
而不知其職也居其官食其祿因循苟且曠職不修欲
望敝事之革治道之興可乎臣請言其大者夫進退百
官者大臣之職也獻納論思者侍從之職也為天子之
耳目正朝廷之紀綱者臺諫之職也內之卿監百執事
外之監司守令莫不各有其職焉比年以來為大臣者
果能盡進退百官之職乎臣見其進百官不見其退百
官也今日召某人赴行在明日除某人為某官是固能
進百官矣其所進者未必皆賢才率一二歲或半歲或
踰月類皆遷之初不問其職事之修與否也其或有罪
公待臺諫論列然後從而出之或人生之意有所不悅
則諭之使去而大臣未嘗自退百官居進賢退不肖之
職而所進者未必皆賢其不肖者又不能自退之臣知
其故矣是已欲收恩而不敢任也先正王曾有言曰
恩欲歸已怨使誰當為大臣而不敢退不肖寧不愧王
曾之言乎此大臣失職也為侍從者又果能盡獻納論
思之職乎臣見其各司其局而未聞獻納論思也熙寧
初司馬光以論新法不從力辭副樞之命神宗曰樞
密兵事也不當以他事辭光曰臣未受命猶侍從也於
事無不可言者是則居侍從者事皆可言是謂獻納掌
內外制者不止於代言為給事中者不止於封駁為
尚書侍郎者又不止於各董六官之屬也今之居是官

以各司其局為了官事以故納論為越職寧不媿司馬
光之言乎此侍從之失職也為臺諫者又果能盡其所
以為耳目正紀綱之職乎臣聞歐陽修有言曰天子曰
是諫官曰非立殿陛之前與天子爭是非者諫官也又
聞蘇軾之言曰言及乘輿則天子改容事闕廊廟則宰
相待罪今之為臺諫者果能爭是非於殿陛之前如脩
之言否乎又果能批人主逆鱗而使之改容如軾之言
否乎臣往歲備員館職竊聞臺諫有論事不行者而同
列不為之助乃曰我自有軾又有繼默不言者聞侍從
百官言時事則怒而逐之甚至諫之職果如是乎 祖宗
時臺諫論事或一章不從三于十餘章而未嘗但已言

苟不行則繼之以去趙抃為御史 東升之不當除樞
副凡十有六章於是乞郡而得屢司馬光為諫臣論刺
義勇及乞降黜凡十有三章今之論事者或一再不從
遂不敢復言寧不媿光抃等乎此臺諫之失職也至若
內之卿監百執事外之監司守令其失職之敝有不勝
言者臣竊謂欲盡革今日之敝宜首詔大臣修進賢退
不肖之職內之侍從卿監百執事孰為賢為才拔其尤
者一二人而進用之孰為愚為不肖亦取其尤者一二
而人而斥退之外之監司鄉守孰為賢才而稱職者拔
其尤者一二人而進之於朝孰為愚不肖而為民害者
亦取其尤之一二而寘之於罪詔一旬日之間必責大

臣以進賢退不肖而必欲其當如是則進一二人而中外莫不勸退一二人而中外莫不惧是則大臣之職舉矣於是又詔侍從宜修獻納論思之職凡朝廷關失知無不言而不止於各司其局又詔為臺諫者宜盡所以為耳目正紀綱之職拾遺補過糾肅官邪凡有論列不可但只宜以祖宗臺諫為法而痛革前日緘默不言之敝雖然此特人臣之職也而人主有大職事陛下不可以不知一曰任賢二曰納諫三曰賞罰臣聞詩人美曰王曰任賢使能周室中興焉任賢乃人主之職而尤急於興衰撥亂之時陛下近日召元老正人忒實之政府忒實之臺諫忒實之侍從天下翕然稱為治表

臣願陛下既來之則宜力留之既留之則宜推誠委任之勿貴以繁文勿待以虛禮勿惑之以小人延之歲月可以責治效矣又陛下既以進退之事委之重臣良將宜若憲宗之任裴度斷然勿疑無惑乎紛紛之議而事從中制以失其機會臣竊聞張浚欲守淮而議者欲其守江吳璘屯兵德順而議者欲其退保夫守淮乃所以守江也舍淮而守江則長江之險與虜共之矣江其可守乎唐韋陟欲李光弼退保潼關光弼曰兩軍相攻尺地必爭今委五百里而守潼關賊得地勢益張矣力破其說而成戰功三捷之九陷沒久矣今韋力戰而復之乃欲無故而棄之可乎陛下宜詔之曰關外之

事將軍制之可進則進可退則退如是則事不中制而機會不失矣臣聞傳述告高宗曰木後繩則正后從諫則聖高宗命之朝夕勤而中興有商聽諫乃人主之職而尤急於興衰撥亂之時陛下自即位以來雖擢用正人以為臺諫然瞻聽之美猶未彰聞臣竊聞近有以酷權之利而持使命於浙東西者諫官論列不聽陛下又親批聖語以諭之有識咸以為疑易曰開國承家小人勿用陛下嗣位之始何急於用言利之臣又何以知此曹之名至於拂諫而用之乎又聞諫官有以盡言而去職御史有以振職而出臺此必姦臣有以誤陛下者不可不察陛下比嘗下詔求直言矣未

聞賞一敢言之臣以勸言者乃聞交結左右者得官迎合時事者免解賞諫如此其何以勸夫聽諫之道在乎博詢廣覽不可昵於偏聽而蔽其四達之聰明臣願陛下親君子遠小人推誠聽納養成聖德則納誨者皆傳說而高宗不獨聖矣臣嘗聞漢史贊宣帝曰綜核名實信賞必罰明賞罰者乃人主之職尤急於興衰撥亂之時臣竊見邇年以來有姑息之政無懲戒之罰去歲逆亮之死蓋上皇聖德所感天假手其徒以誅之諸將非唯無毫髮之功虜未退則逗留觀望已退則乘虜掠既不干斧鉞之誅而又受無名之賞有盜節鉞者有為兩府者有為三公者噫乎道跡取笑間聞名器之

澤未有甚於今日又有爵位已崇而遷猶未已官曹已冗而員又復增政或出於多門命從或於中降是皆為新政之累不可不革也至若有罪者不誅而惡無以懲又今日之大弊秦檜專權誤國二十年而乃生極寵蔡死封王爵天下莫不切齒扼腕縱不剖棺戮尸其可不行追貶之誅乎又前日閹寺有弄權納賄紊亂朝綱者大將有聚歛交結敗壞軍政者大臣有進不由正迷誤國家者臺諫有朋奸罔上惡直醜正者或依城社以自安或盤根錯節以自固或以去位而幸免典刑不正非大舜所以去四凶而服天下者臣聞太上皇即位之初任用賢相追貶元惡竄殛奸邪天下稱快所以能中

興我宋致治三紀者由其能大明刑賞於躬元居正之初也 陛下宜奮軋剛之斷法厲舜之明繼述 太上皇故事先正首惡之罪而追貶之餘則次第施行如是則可以攬威福之權而 陛下之職舉矣夫欲救今日之敝非至誠任賢納諫大明賞罰以勸懲之雖商高宗周宣王漢宣帝復出不可以致中興之治故臣願陛下先舉其職以率百僚如是則中外大小之職罔有不舉而敝寧有不革者耶敝事既去內治既脩則夷狄有不足攘 祖宗之境土指日可復矣

論左右史四事與起居郎胡銓同上

臣等誤蒙親擢承乏左右中自供職以來檢討故事竊

見今之史職廢壞者非一其尤甚者有四焉一曰進史不當二曰立非其地三曰前殿不立四曰奏不直前何謂進史不當臣聞唐褚遂良知起居注太宗問人君得觀之否對曰史記善惡以為戒庶幾人君不為非法不聞帝王躬自觀史魏謩為起居舍人文宗遣中使取記注欲觀之謩謂史官書事以為鑒戒陛下所為善無畏不書不善天下之人亦有以記之帝乃止遂良與謩可謂能守官矣至國朝梁周翰李宗諤為左右史乃建言每月起居注願先奏御付史館國史書之曰進起居注自周翰等始豈不媿唐二子哉慶曆中歐陽脩為起居注嘗論其失曰自古人君皆不自問史今撰述既

成必錄本進呈則事有諱避史官雖欲書而不敢乞自今起居注皆不進本仁宗後之歟後佞臣執筆乃復追史泐襲不華遂至于今臣愚欲望陛下導仁宗之訓革周翰之失自今起居注皆不進呈庶使人主不觀史之美不再在於李唐二君也何謂立非其地臣竊唐制每皇帝御殿則左右史夾香案而立善惡必書其後許敬宗李義府勳心懷恣俱為史官所記遂廢左右侍立之職凡其議下預聞之安復正氣故事每入閣命左右史執筆立于螭頭之下由是宰相奏事得以備錄故開成之功詳於史書國朝故事天子坐朝則記注臣立於御座之後歐陽脩人謂起居者當視人君言色

舉動而書者立於後則無以盡見乃徒立於後坐之前
至備羅職乃復立於後今乃遠立於殿之東南隅言動
未嘗或聞可謂立非其地有嫌於備多矣臣又聞元豐
三年備起居法正觀故一便左右史得尺
聞天子德音以一身自有時政記即之自餘臣僚登
對許記注時以 神宗曰人君與臣下言必關政理所
言公公言之自非軍機何必秘密蓋人臣奏對或有類
僻或肆說慝若史官書之則無所肆其奸矣大哉王言
然未及施行至今議者惜之今史徒有左右之名而不
知天子言動之實群臣奏對並以無所聞聖語關報職
記注者但不過錄諸司供報公文而已何名曰史耶臣

愚竊乞 陛下復歐陽脩侍立故事庶幾言色舉動皆
得以書如宰執造膝之言自有時政記亦乞如王存所
請凡餘臣奏對許令侍立亦足伸 祖宗之志也何謂
前殿不立臣歷觀自古左右史未嘗不侍於天子之側
亦未嘗有前後殿之分喜制但云左右史分立於殿下
螭頭之側和墨濡翰皆就螭之拘處有命則臨陛俯听
對而書之不聞後殿立螭而前殿不立也又聞歐陽脩
奏請自今前後殿上殿臣僚退合少留殿門俟脩注出
面錄聖語以此知 國朝舊制前後殿皆侍立矣夫人
主言動 獨後殿有之而前殿無也宰執奏事百官進
對之言不獨後殿有之而前殿無也今獨設殿侍立而

前殿不與義安在耶夫後殿侍立雖非其地猶在焉亦愛禮如羊之意前殿不立是餽羊亦去而禮意俱亡矣今左右史分日而立無言動之異臣愚欲乞於前後殿皆分日侍立庶幾一言一動皆得以書以備一朝之典漢光十載之史冊非細事也何謂奏不直前臣聞唐又宗謂魏謩曰事有不當毋嫌論奏謩對曰臣頃為諫官故得有所陳今則記言動不敢侵官帝曰兩者無可論朝廷事而毋辭也故國朝左右史皆許直前奏事雖以奏史事為名而朝廷事亦可議為蓋亦文宗命魏謩之意也熙寧中脩起居注張琥奏曰近日緣例須牒閣門然後上殿竊見樞密都承旨每於侍立處尚得

奏事起居注既得侍立或有敷奏乞便面陳詔從之臣等自領職之後初欲直前奏事閣門以臣不預牒却之臣又嘗預牒之矣又謂今日無班次臣每見閣門奏事未嘗以班次為拘左右史職言動當日有敷奏乃必欲預牒閣門又必欲有班次則事有當奏而不得奏其為失職多矣臣又聞景祐中御史唐介論宰相文彥博仁宗怒之則蔡襄為起居注直前論故事出一時又曷嘗預牒閣門與必俟班次耶况今來後殿奏對未嘗無兩班如是則記注之臣雖有直前之名而無可奏之時矣臣愚欲乞自今左右史奏事當令直前不必預牒閣門及以有無班次為拘臣等所陳四事亦近記注失

職之大者臣等...居是職故不盡言伏望
驗今循名責實而行之不勝幸甚

梅溪先生奏議卷第二

梅溪先生奏議卷第三

除侍衛史上殿劄子

臣聞聖人之德無以加孝天子之孝莫大乎光祖宗而
安社稷因前王盈成之業而守之者孝也周之成康漢
之文景是也承前世衰微之緒而興之者孝也商之高
宗周之言也國有耻而雪之者孝也漢宣帝臣單
于以雪也平城之耻唐太宗得頡利以雪高祖稱臣
之耻是也也允君有難而復之孝也夏小康滅澆以復后
相之難漢光武誅王莽以復劉氏中絕之讎是也歷代
帝王雖守成中興雪耻復讎之迹不同其功光祖宗孝
安社稷則一而已哉 藝祖皇帝應天受命肇造大

業親平管偽一統萬方聖子神孫維維承承可謂盛矣
不幸運厄陽九既亂華靖康之禍有不忍言者國讎世
耻自古無之記曰君父之讎不共戴天春秋譏不討賊
以謂國無臣子齊襄復九世之讎仲尼賢之楚以六千
里之國一荀刑罪之賢聖立言垂訓責後世之為君
臣為子孫者可謂至矣恭惟太上皇帝躬堯舜至聖
之德有禹文知子之明斷自宸衷以社稷付之陛下
聖意端有在焉陛下天資英武慨然以興復為念竊
聞每對群臣論天下事則曰當如創業時又曰當以馬
上治之又曰某事當俟恢復後為之臣比因宣召語及
祖宗陵寢聖容惻然曰四十年矣臣仰知陛下之心

夫夏少康商高宗周宣王漢光武之心亦何在位之
臣不知忠孝大節不能仰副聖心之為一欲蹈昔日
奸臣之覆轍屈已以和仇讎之牧羊指祖宗中原之
境土為虜人之土謂不當取指祖宗中原之人民為
虜之人民謂不當納之秦隴已復之故地無故而棄
之以資所所以絕生靈歸附之望聞有說進取者則群
嘲而聚大臣唱之於上小臣和之於下并為一談
牢不可破曰非陛下剛明果斷不惑群議則社稷大
計其誰由誰有君無臣真可以長太息也臣願陛下
推誠盡孝終始如一言動之間不忘社稷言息之頃必
念祖宗側身修行上以承天意興衰救正下以慰民

心仁賢亦貳去邪勿疑以革前日圖任之失有善必賞
有惡必罰以振今日紀綱之弊仍下詔音戒飭有位無
小無大咸懷忠良去和附之私心贊國家之大計 陛
下既率之以孝群臣咸應之以忠如是則可以動天地
通神明 祖宗在天之靈無負 太上皇付托之意
笑中原何事 不復中興何待乎以日月異耶

論史浩劄子

臣聞人臣之罪莫大於懷奸誤國植黨盜權忘言蔽賢
欺君訕上有一於此罪不容誅無惡備焉其何可赦臣
謹按尚書右僕射史浩人品凡下天姿 奸昔為七八
以權黜犯罪身幾不免及試吏州縣奸 狼籍惡者播

聞浩能以諂佞取容致身朝列貪緣遭際事 陛下于
潘潘龍飛在天端居政府浩不知盡臣工 大節報
常之恩機巧百端得罪公議臣請條其罪惡之著者有
八焉往歲 太上皇帝聞 欽宗之計痛切宸衷下詔
親征思雪國耻知 陛下春秋鼎盛智勇天錫斷然以
社稷付之深望 陛下之大有為也浩為心腹之臣不
能以忠自效乃於善不共戴天之了首違寢兵之言專
主和議以沮大計蓋欲踵秦檜之志為固寵之身謀此
懷奸之大罪一也 太上皇憤洋亮之渝盟悟和戎之
失策以疆場之事付瓜牙之臣大 吳璘等奮身血
戰宿秦隴以上色兵固守俟時投機縱未能長驅以克

中原亦可以乎帝庸人南牧之患治既主和懼吳璘進
取陰使其常鼓扇浮議妄謂虜由西夏協力攻璘遙從
中制令不沮者斬遂取十三州之地而盡棄之將士喪
氣中原離心誤彼生靈盡遭魚肉不獨棄地是乃棄民
不獨棄民是乃棄言言由皆欲售一己之私而不顧國
家之大計此誤國之大罪一也浩履歷既淺德望素輕
驟居要塗天下竊笑於是取國家名器為一己私恩躁
進之徒翕然合為一黨門閥可以炙手士論為之沸騰
至有嫡子嫡孫之號親姪過房之稱有號密傳心印者
有號正法眼藏者名居宗派布在朝者紛如也昔
王叔文竊柄有八司馬之黨李逢吉用事有八關十六

子之徒浩得時遇主如此乃欲效叔文逢吉之為人此
植黨之大罪三也浩自參朝政即盜大權視宰相若無
人待同僚為不物人皆畏其凶焰莫敢誰何官爵科第
輕以與人進退百官悉自己出自為右揆益歸其奸方
欲排擊所憎駭除異己會其腹心內潰黨與相攻 陛
下察其奸邪知其朋比收攬權柄出自宸衷不然朝廷
之禍可既耶此盜權之大罪四也 陛下嗣位之初首
下求言之詔忠臣義士上封言事者非一浩抑讜直之
言不使上達有佞已者則以免解嘆之春闈首試知舉
三人上躡聖心策門時事浩疑其斥已遂令黨人林安
宅追捕淮匠勸令毀板三知舉嘗面奏其事有旨令刊

行安宅愴人也。先有浩而不知有。陛下不遵聖旨而
惟浩是從，卒不許刊。陛下取士之始，而浩首禁程文
何以彰清朝不諱耶？此忌言之大罪五也。太上皇用
天下人望起舊相張浚，知建康。陛下因付以江淮重
任，擢為樞府，委任之專，不啻若憲宗之恃裴度。浩與浚
冰炭不同，且惧其成功，凡有奏請必多端沮之。初，遣史
正志往建康，欲沮浚進取之計，及其既還，遂酬以郎官。
又因詔百官言事，遂令正志等密加詆毀，指為許靖房
等有識為之不平。此蔽賢之大罪六也。浩凡與同列奏
事，未嘗不留身退，則妄稱聖旨以誑之。浩嘗有辭免參
政，劄子未嘗稱。祖宗及太上皇之德退，則增加數

語以報行浩之欺君。大率類此。首王欽若為相，每奏事
必袖數奏，但出其一餘，則詐稱已得聖旨。馬知節嘗面
折其奸，浩挾欽若之奸，以罔衆朝，廷無知節之直者，以
折之。此欺君之大罪七也。陛下即位之初，以大學士
經。太上皇教養之久，並與免解。浩乃為已恩，務在籠
絡已而聞諸生議已遂深疾之，復加沮抑。嘗於稠人中
言大學有風波，臣對以子產不毀鄉校。浩曰：某固無他
但上怒之爾。浩近赴景靈宮行香，道由貢院，會太學補
試士子，填壅鄧王回車，避之聞者，欽嘆。浩乃作威以逞
為士子所嘲，既而語人曰：上怒補試喧嘩，欲令不考
某以誤其遠來，成之。浩善則稱已過，則稱君皆此類也。

此訛 上之大罪。治無宰相才而居具瞻之位遇
堯舜主而懷共鯨之凶 陛下方當任賢使能圖回大
業如使浩輩久在廟堂其可以望中興之治耶臣願
陛下正其罪惡竄之遠方以快天下之心以為群臣之戒

再論史浩劄子

臣聞人主之職莫大乎任賢去邪任賢去邪莫先乎信
賞必罰任賢而不知賞與不任去邪而不能罰與不去
同古之帝王能任賢去邪者莫如舜舉八元八愷而相
之取四凶而流之可謂能賞罰矣未聞以十二牧之任
而處四凶于外也臣昨日面對論列尚書左僕射史浩
之罪乞加竄殛 陛下謂今日已罷之臣知 陛下

能去邪勿疑可謂無媿於舜矣及宣麻于庭乃以觀文
殿大學士知紹府輿論咸以為疑謂 陛下雖能去邪
而未能如舜之正名定罪也人臣得時遇主未有如浩
不忠於主亦未有如浩浩不忠之罪不可以一二數臣
姑論其大而著者有八已見前章救秦檜而主和議可
謂懷奸棄德順而資寇讎可謂誤國名在宗派者不止
八司馬可謂植黨竊天下之柄不止如王叔文可謂盜
權 陛下導人使諫而浩鉗人之口可謂忌言 陛
下委任忠臣而浩百端譖毀可謂蔽賢留身奏事妄稱
聖旨可謂欺君善則自稱過則歸主可謂訛上八罪有
一且不容誅浩者其 共何可赦縱不長之四裔以禦

魑魅其可以三藩之乎其奸耶臣恐天下未必咸服如虞舜時也况紹興密邇王都最取為大府浩普嘗為屬吏奸賍著聞亦何面自見其吏民耶臣願陛下出臣前章正其罪惡褫取名罷差遣竄之三危之地與天下共棄之庶使大功不專於舜也

論進取利害節子

臣共惟陛下以英武之資奮剛明之斷不惑群議任用忠謀遣二將臣出征淮甸首平靈壁敗虜將蕭瑀而降之又平虹縣降蒲察徒穆大周仁歸附者以萬計又敗虜人于宿而得其州可謂日百里以闢國月三捷以奏功矣投機而進勢如破竹恢復有期神人交慶正勇

者效力智者獻謀時也况臣誤蒙親擢為耳目之官可無愚者一得之慮以裨廟謨雄斷之萬一乎臣竊謂王者仁義之兵為弔伐而舉况中原本吾土地人民本吾赤子正宜諭之以恩信先之以招納不得已而戰伐隨之臣慮諸將或不知此臨陣之際未必無過有殺傷獲獲之後又未必無秋毫之犯恐傷陛下好生之德夫中原來蘇之望欲乞陛下密詔張浚深戒敕之言李晟平長安李愬入蔡國朝曹彬平金陵皆得王師弔伐之意宜諭諸將以此為法庶幾富貴可以及于孫功名可以垂竹帛也又三虜將既降宜速加封賞以勸來者幸沛公入關留圍沛公

說以爲天若約降封其守因

使止守諸城未下。言南陽守將降封為商侯。引兵而無不下者。今中原列城為虜守者。皆百離心。非不欲降。但未知吾所以待之者如何耳。故聞諸將請察之。徒降而受賞亦何憚而不來。不然則其心愈疑。而其守愈堅。夫公日之事。正宜若沛公用陳恢策。則可以不戰而屈人兵也。臣又聞汪澈被召。已至中塗。未知誰揖其任。臣謂宜今張浚并節制。荆襄庶得令出于一。輕重不偏。將士協心。遠近同軌。緩急可以相聞。勝負可以相援。况荆襄將上素懷浚恩德。皇甫侗之徒。尤服浚威名。右使浚兼制之。則人必樂於用命。矣。又璘。良師保蜀。陛下亦

以進取事。詔之。且明諭以日退保。由建議者之失。不惜為悔過語。以慰將士。及三路人心。今璘觀時度勢。以圖進取。如秦隴可復。得宜即進。兵以相犄角。以牽制虜人。南牧之患。如是則虜數處受救。覆亡之不暇。縱未得其頭顱。必將遠竄沙漠矣。此數者皆今日之所甚急。臣願陛下與一二大臣速議。如臣言可採。乞賜施行。今正是天以機會授陛下時。不可失也。

論史正志劄子

臣聞奸人多謀。能觀時而為進退。當權臣植黨。則必附合以求進。以竊美官。及朝廷清明。則又用奸計。而苟免以逃天憲。熙寧初。臣執政。用小人呂惠卿之謀。

變祖宗法度遂氣月二十莫不切齒及元豐未司
馬光為相惠卿自知罪大為正論所不容遂丐祠于外
翼脫典刑時蘇轍為諫官遂首論其惡安置建州天下
快之由是見 祖宗時為臺諫者排擊奸邪未嘗因其
求去而容其幸免也臣謹按吏部郎官史正志操心傾
險賦性奸邪自為士人時常出入貴人之門專事交結
乃初登科遂欲求為秦燿之壻託平曰素所交結者賂
燿乳媪使之譽已秦氏聞而薄之遂不見納既而下求
時相而得監倉善觀時以求進聞樞密葉義問欲議進
取遂竊吳若江淮表裏論而增損之自號恢復要覽以
授義問遂繇筦庫而得密院編脩為士論所嗤及史浩

執政欲主和議正志復變前說以投浩浩喜其佞已遂
遣之建康以為說客吹以口舌沮進取大計嘗談兵於
張浚之前為浚所不禮正志乃妄撰語錄設為已與浚
吞問辨難之語婦以佞浩浩大喜之除為戶部郎官浩
與正志姪同而族異 拜浩而父事之在浩之門東為
用事故士論有親姪之朝正志既不見禮於浚遂極口
詆之嘗應詔上書比浚為許靖房瑄聞 陛下召浚俱
其不利於浩唱為浮議以沮其來時人比之張又新今
陛下之浩之奸斷然惡之知浚之忠破群議而任之正
志自知朋比說應得罪於清議遂力求去朝廷乃以福
建運判與之正志 曰免大類惠卿求去於元

豈之未臣濫職... 而擊之寧不自媿於...
乎欲乞 陛下特發英斷明正志說慝朋比之罪以正
典刑縱未能行兩觀之誅亦當薄示三危之寬度使元
祐清明之政復見於今日天下幸甚

再論史正志劄子

臣昨嘗論列吏部郎官史正志明比說慝自知罪大欲
進典刑力求外補朝廷以運判與之是用外臺重任以
賞奸也欲乞睿斷正其罪而竄極之至今未見施行臣
深所未論臣聞唐王叔文以沾沾小人竊天下柄號召
■時有名之士欲僥倖而躁進者並以郎官清要之職
處之相與結為死黨至譽叔文為伊周管葛憲宗監國

之始首逐叔文而殺之其徒皆終身竄極號八司馬元
和之治比迹正觀准西功業冠出李唐蓋繇憲宗必於
用罰於去邪也臣竊謂前宰相史浩之惡不減王叔文
其黨與之盛不止八司馬雖非天下奇才至於撓節以
附匪人懷奸以害公議則一而已如正志者在浩黨中
尤為親密出入門闥蹤跡詭秘人皆呼之曰誣拜公又
榜之曰親姪遂自樞屬驟遷戶部郎又遷天官 即使浩
不去則正志必躡履侍從矣正志去冬歸自建康不獨
搖撼張浚尤媒孽李顯忠之短必欲朝廷廢浚而誅李
顯忠以沮恢復大計非 陛下保全而委任之則忠臣
竟將身首且不可... 今日淮甸之捷耶人

方欲恢復中原所以懲之實罰而已前日二
功賞不踰時輿論咸以為當說惡之人亦宜薄正其罪
今不獨逃司寇之刑而又以外臺耳目之寄處之何以
尉天下之公議乎郎曹運判至么廢也而臣喋喋言之
者非以其玷列宿汗外臺而已而朝廷之刑賞公議之
是非寧擊焉伏乞 陛下出臣兩章斷然遂之以示去
邪勿疑亦足以懲一而勸百也

論廣海二寇劄子

臣聞王者將欲治外必先安其內不有小忍則不能成
大謀臣竊見 陛下剛斷不惑神武維揚命將出師平
定淮甸曾未踰月捷音屢聞蓋將復 祖宗之境土

會諸侯於東都可謂得宣王外塚之道有光武大政之
勇矣然臣愚計以謂治外必先安內欲小忍以成大謀
者今欲外攘狄而境內有廣寇海賊嘯呼為患猶未勦
除外未寧而內有憂不無上貽聖慮者臣竊聞朝廷議
遣鄂渚之師進誅廣寇想蕩滌固有期矣然臣相時度
宜恐未可遽進嶺外當盛夏乃瘴癘大作之秋北人衝
之未有不病者尤非行師之利臣以謂不如頓兵於桂
林以為聲勢而下詔赦其罪惡許其投降或不受命斯
可以必殺無赦矣海寇出沒無常尤為瀕海州縣之患
聞樞府嘗遣人招安之亦有受招之意臣謂二寇皆可
開其自新之路

外必先安內少惑

言不此也臣又聞二寇

皆緣監司郡守不得其人所致既未能弭之於未萌之前又不能誅之於已覺之後養成其亂以致禍微隱匿不聞遂致滋蔓為監司郡守者其可不懲之乎欲乞陛下宣諭宰相稍正典刑仍別擇賢才以為外臺其理之寄以分陛下宵旰之憂不勝幸甚

論韓仲通俞良弼劄子

臣聞古之為民師帥者能以德化人則人耻於為盜能以威服人則人不敢為盜能以智畧屈人則可以除一時之盜三者俱無焉則何以民師帥共理天下乎臣竊以未嘗滅止故聖慮者蓋繇帥

仁之懷德畏威無智畧以勦除之也明廷不誥其致亂之由懲其不之罪又從而遷為大藩因而久任亦可謂失刑矣臣切見知明州韓仲通不能防禦海寇致昌國定海諸縣皆被其毒而海首為之不通初有捕致海寇者仲通從而縱之遂致其徒益熾昌國令嘗獻謀於郡仲通忽而不聽四明人莫不切齒朝廷既不罷黜之又除知紹興府仲通不能治一郡其可以典大藩帥一諾乎知靜江府俞良弼不能弭雷化之盜遂致蔓延而二廣為之浩然運使鄧酢用虔吉茶商以禽凌鉄良弼忌酢併與茶商等皆不奏功致茶商憤然嘯呼而起驟黨千人屬縣殺戮官軍

死者其勢方熾朝廷不能正其位之罪乃因而久任
安能使鼠竊狗偷輩即時以行而伸通刻薄小人昔為
秦檜鷹犬其惡備見於白簡臣不復論之議者猶謂其
有歲才可以任使及治四明最無善狀專用公帑交結
與援海盜猖獗略無計畫其才亦可見矣良弼雖無仲
通之惡然聞其老繆不事事况二廣去朝廷為東遠斯
民所恃以為命者惟師帥之臣尔良弼為大帥而盜賊
充斥如此何以安遠人乎臣欲乞睿斷罷仲通紹興之
除奪良弼靜江之帥別擇有用之才以代之將見海廣
二寇不誅而自滅矣

命一節省劄子

陛下方圖恢
復而板曹以財用不足為言常賦既不能供所須民財
又不可遽而取惟有庸加節省可以薄助軍興然節省
一事尤在聖躬親率昔漢文帝身衣弋綈以鼓富庶唐
憲宗躬服浣濯以致中興 藝祖皇帝幕用青布而僭
偽以平 仁宗皇帝被用黃絕而風俗歸厚此乃前代
帝王之盛德我 宋祖宗之家法尤不可不遵也 陸
下比從諫臣之請裁減外廷官吏度一月所省亦不下
十萬緡以歲計之不無少補又切免內侍都知李綽具
到宮掖用度之數有云此項全支者有云減半支者有
云住支者內庭節約如此亦可風化天下矣

區區猶望 陛下躬率之者 陛下於乘輿服御
玉食之間有可更加節損者 親出御批斥賜外府以助
軍須以為中外節省之訓 如內侍所具之數除 德壽
宮不可減損外 亦有全支而或可減半者 亦有已減半
而更可以分數減者 陛下既躬率之為下者 亦何敢
不從耶 俟邊事稍寧 自當復舊 今日權宜行之 正聖訓
所謂今日當如創業時也 臣不勝拳拳之至

論宿州退師劄子

臣聞宿州之師全軍退守 觀時識變 深得進退之機 然
而異議小人與聖意素不合者 往往幸災樂禍 倡為浮
動搖大計以離間 陛下素所委王之臣 使其說

果不殆非宗社之福 昔唐憲宗伐蔡 戰數不利 群臣爭
請罷兵 錢徽蕭俛之徒言尤確 苦會高霞寓戰却 宰相
揣帝厭兵 欲赦賊 以探上旨 帝曰 一勝一負 兵家常勢
若師常利 則古何憚用兵耶 今但論帥臣勇怯 兵強弱
措置如何 渠可一敗便沮成計乎 於是左右不能容其
間 斷然用一裴度 卒能成平蔡之功 臣願 陛下以劉
大為心 毋以小衄自沮 察小人之意 勿為浮議所搖 數
遣中使慰勞 士日令解甲 休息 養 德侯時 大臣如裴
度者 益加委任 以固其心 勿使異議 如錢徽蕭俛之徒
得以肆其讒 聞况 陛下今日之師 為 祖宗陵寢 而
舉為 徽宗 欽宗 復讎 而舉為 二百年 境土 而舉與

古之帝王好大喜功開邊生事者方乃不同陛下隱
之於心俯仰無怍小人異議亦何足恤哉投機而進知
難而退側身備行任賢使能政事益加備軍旅益加治
財用益加蓄以待天時人事之至可也願在陛下新
之如何耳

論休假劄子

臣竊以今日邊事未靖正君臣相與有為日不暇給時
也竊見朝廷尚循平時故事假故稍多有妨機務臣欲
乞陛下未明坐朝日晏而退至放假故之日宜常御
便殿不拘早晚引見宰執侍從臺諫群臣賜以從容訪
問時務事有可採即時施行仍勅朝廷不可以常時作
假坐執日入朝堂百僚各任其職庶幾事務不廢共致
中興不勝幸甚

論林安宅劄子

臣聞口道先生語行如市人名曰盜儒此聖人之所必
誅王法之所不赦也蓋安宅前知臨安府林安宅者其
盜儒之雄乎初令越之新昌納官妓為妾則以濫聞及
倅漳州盜郡將之權貪墨自恣則以賍聞及作廣漕起
羅織之獄誣陷善良則以酷虐聞諂事鄉人朱倬倬令
何溥薦之而得浙漕倬雖小人然於安宅有知翼之恩
及臺官張震以論倬安宅乃手疏倬之隱惡數十事以
示震倬之罪人皆可得而言也而安宅納之其與呂布

事董卓而殺董卓何以異乎安宅出入史記龍大淵之門其在都司也進則見浩退則見大淵天府之除不由正道物議咸鄙薄之有後何處來之語浩與大淵結為死黨及二人反目浩記安宅和之安宅既欲效勤於浩又欲獻佞於大淵遂造其室為奴顏婢膝之態士夫傳以為笑 陛下比於經筵嘗語臣曰近臺諫論罷大淵事朕不私之已罷其職矣臣言 陛下屈已從諫以天下為公不私潛邸之臣社稷之福也 陛下稱不私者至于再三今安宅乃自託於大淵之門以盜威福 陛下且不私大淵其肯私其門下士乎安宅自知罪惡為首議所不容乃詐病以求致仕朝廷既以多觀與之矣

又用計以復留臣近嘗面奏其奸 陛下以諭宰相令丐祠而去矣今又必欲朝辭與僥倖復留之計動用奸謀以要君父不顧廉耻不知進退真小人之雄者也或謂安宅之才可以治劇然自知臨安以來初不見其所長事無小大皆委於吏獄訟繁興而不能決盜竊公行而不能治議者謂不遂前時遠甚是豈可居彈壓之任乎 陛下斷然罷之可謂能去惡矣為安宅者固宜惶懼朝聞命而夕即皇也乃復徘徊不去不知何所恃而取爾耶臣欲乞斷自宸衷正安宅之罪而竄逐之以為不知廉耻者之戒


貼黃臣與安宅素無讎讎此因安宅奉 文浩意旨

毀省試策題及程文之版臣以公議責之即非
怨安宅聞 陛下用臣為御史即欲求去蓋用奸
計以鉗臣口臣前日面奏其奸即蒙 陛下罷而
去之臣已不論列令聞安宅復求朝命物議滿騰
咸謂安宅倚恃與援不顧公議故臣不待不論之
願出臣章示天下

再論林安宅劄子

臣誤蒙親擢濫司風憲比嘗面奏前知臨安府林安宅
奸邪交結等事 陛下即諭宰相令安宅罷職丐祠而
去臣仰窺聖意既俯听臣言得從諫如流之美又欲保
全安宅使不繇禫劾而罷為安宅者固宜聞命即行又

復乞朝辭異奸計得施欲求再用臣昨條列其罪謂即
賜施行今乃聞有旨令安宅內殿引見臣不勝皇惧之
至切聞 仁宗之時任用臺諫言及乘輿則天子改容
事關廟廊則宰相待罪臣今論 小人而不能使其知
畏尚何面目居風憲之地邪安宅前日聞 陛下用臣
為臺官即詐為 疾以求致仕既已得祠命下復止罔
上要君尤足以見其奸詐今宜即去而復乞朝辭未有
班次而遽得內引是前日之奸計復行也臣切見近日
執政臺諫以疾求去者皆放朝辭安宅何人而得此隆
眷異禮耶欲乞 陛下深察安宅奸邪交結之罪亟賜寬
逐以討公議



卷之四